

明

史

明史卷一百十八

列傳六十九

方瑛

陳友

孫鏗

董興

曹義施聚

衛穎

趙輔

劉聚

李震

趙勝

方瑛都督政之子正統初以舍人從父征麓川敗深
入上江逼賊賊兵四集政知援絕急遣瑛瑛泣請回
還而政就去之遂突陣死瑛發憤矢報父讎初襲金
吾右衛指揮使論政死事功遷都指揮同知六年從
逆驍將麓川賊既敗遁復潯出官兵後瑛率兵六千

突不賊壘賊渠衣黃衣方指揮帳中瑛直前左右蕩
擊斬賊數百人相踰及投崖谷死者無算遂平其地
進都指揮使尋復從驥破貢章沙垠阿嶺諸蠻進都
督僉事洎後府事十二年充右叅將協守雲南明年
復從驥征麓川破鬼哭山大寨賊遠遁師還留鎮雲
南尋進都督同知景帝嗣位京師急備禦廷議以瑛
有將畧命都督毛福壽代還甫抵京而貴州羣苗叛
攻圍新添平越清平興隆諸衛道路梗絕驥請瑛還
討遂拜右副總兵與保定伯梁瑄侍郎侯璉次第破
之進右都督復與璉攻破賞改諸若擒僞苗王王

阿同等三十四人璉卒都御史王來代督軍務分道
擊賊於香爐山璉入自龍場大破之璉爲將紀律嚴
賞罰信臨陣勇敢尤善撫士士皆樂爲用所向有功
朝議深許之景泰三年秋來劾奏璉違法事兵科駁
其誣于謙亦言璉謀勇冠諸將即微過當優容來不
宜訐搆是非帝遂置不問及來等召還命璉鎮守貴
州其冬率師討白石崖苗賊俘斬二千五百人招降
四百六十砦境內大定論功進左都督五年四川草
塘苗賊苗龍韋保作亂自稱平天大王剽掠播州西
坪黃灘諸處璉與巡撫蔣琳會川兵進勦大破之賊

魁皆就縛因分兵克中潮山及三百灘率西谷種率
立諸寨執僞王谷蟻汀等斬首七千九百有奇詔封
南和伯是時瑛威名甚盛廷臣言且委以軍旅明年
琳奏瑛前守貴州邊境寧謐苗蠻畏服今官民軍吏
咸思慕瑛乞遣還鎮帝不許未幾湖廣苗叛拜瑛平
蠻將軍率京軍討之帝既遣瑛密使御史張鵬偵其
後還奏瑛所過秋毫不犯帝大喜七年賊渠蒙能率
衆二萬攻平溪衛都指揮鄭泰等擊却之能中火槍
死瑛遂進軍沅州連破鬼板等一百六十餘砦獲首
功三千二百級與尙書石璞移兵夫柱分擊天堂諸

砦復火破之。寇砦二百七十。禽僞侯伯以下一百二十人。斬首一千五百。還所掠人口。時英宗已復位。捷聞。召璞還命。璞留鎮貴州。湖廣璞討蒙能餘黨。克銅鼓。蕞洞諸砦一百九十五。獲首級二千八百有奇。俘賊帥及其妻孥五百餘人。覃洞上隆諸苗咸斬賊渠。詣軍門納款。帝嘉其功。進爵侯。天順二年。東苗干把豬等僭偽號。攻劫都勻。諸衛命璞與巡撫白圭合雲南四川湖廣貴州軍討之。明年璞等攻克六百餘砦。俘斬近二萬人。遣方悉定平苗之功。前此無與比者。尋卒於鎮。年四十五。帝震悼。賜諡忠襄。璞天資英邁。晚

若兵法常上練兵法及陣圖老將多稱之爲人愈廉
謙和不伐所至鎮以安靜民思之久而不忘子毅嗣
伯爵服肉姦父婢恐從父瑞發其端誘祖母誣瑞不
孝坐奪爵閒住卒子壽祥嗣爵正德中歷鎮貴州湖
廣傳爵至明亡乃絕

陳友其先西域人家全叔永樂初爲驍騎右衛騎卒
宣德中積功授百戶正統元年以千戶同指揮康能
使瓦剌還進指揮僉事二年再使以其貢使偕來進
馬駝二千餘匹遷指揮同知明年往賜順寧王脫歡
彩幣復以千餘人偕來進馬駝萬餘匹遷都指揮僉

事自是頻年奉使以勞再遷都指揮使九年充寧夏
遊擊將軍與總兵官黃真擊阿良哈獲人口四百馬
駝牛羊萬餘進都督僉事未幾率師出塞招荅哈卜
等四百人來歸被獎賚景帝即位進都督同知征湖
廣貴州苗賊尋充左叅將守備靖州景泰二年偕王
來等擊賊香爐山友自萬潮山入大破之留鎮湖廣
論功進右都督四年春苗賊出掠古城地湖友奏擊
斬五百餘級五年又奏破婁羅紋洞及清水江苗賊
斬首三百餘都指揮戚安等八人戰死兵部以將士
死傷多疑首功不實而銅鼓衛都指揮僉事蔡昇亦

奏友欺妄乃命總督尚書石璞廉之璞言友斬僅三十四人陷將士至千四百人宜治罪詔令殺賊自効天順元年隨方瑛征天堂諸苗大獲命充左副總兵仍鎮湖廣已又偕瑛擊破蒙能餘黨召還封武平伯予世券孛來犯邊充遊擊將軍從安遠侯柳溥等往禦明年友率都指揮趙英等與戰賊敗遁已而再犯鎮番復擊却之俘斬百六十人賜勅獎勞尋佩將軍印充總兵官討寧夏寇先是寇大入甘涼恣殺掠溥及甘肅總兵官衛穎等不能禦惟友稍有斬獲至是巡撫苗釗列上諸將失事狀乞普加黜罰兵部請免

發罪詔并宥溥等三年召還進侯明年卒傳子能至
孫綱弘治中請友贈諡詔贈沔國公諡武僖綱傳子
敷及熹嗣嘉靖中卒吏部以友征苗功多冒濫請傳
襲帝不從熹子大策復得嗣至明亡乃絕

孫鍾字振遠東勝州人濟陽衛指揮同知用成國公
朱勇薦進署指揮使正統末擢都指揮僉事充右叅
將從總兵官徐恭討處州賊葉宗留敗賊黨金華復
進破之烏龍嶺會英宗北狩召還超擢都督僉事典
三千營也先將入犯進鍾右都督充總兵官統京軍
二萬禦之紫荆關將發寇已入遂營都城外寇薄德

勝問爲于謙等所却轉至西直門鐘與大戰斬其先鋒數人寇稍北鐘逐之寇益兵圍鐘鐘力戰不解都督高禮與毛福壽來援禮中流矢會石亨分兵至寇乃引退詔鐘副楊洪逐之戰于涿州砦溝頗有斬獲師還仍典營務景泰初鐘舉都指揮李奇本營把總爲楊洪所劾下獄會石亨出巡邊以京營需才請赦鐘侍郎江淵亦言城下之役惟鐘戰最力乃釋之三年冬充副總兵協郭登鎮大同登節制嚴鐘不得逞遂欲分軍且令其子百戶宏侮登帝屢降勅切責械治宏竟以鐘故黜之五年召還與三千如故英宗復

辟以迎駕功封懷寧伯尋予世券天順五年甘肅告
警詔鐘充總兵官帥京軍往討將陞辭宿於朝房夜
二鼓太監曹吉祥昭武伯曹欽反其部下都指揮馬
亮告變于恭順侯吳瑾瑾趨語鐘鐘急草奏叩東長
安門自門罅投入內廷始得集兵縛吉祥守皇城諸
門鐘走太平侯張瑾家邀共擊賊瑾不敢出鐘倉卒
復走宣武街急遣二子輔軌呼征西將士紹之曰刑
部囚反獄獲者重賞衆稍聚至二千人始語之故時
已黎明遂率擊欽方攻東長安門不得入轉攻東
安門鐘率兵追及賊稍散軌遇欽斫欽中膊軌亦被

殺欽知事不成竄歸其家猶督衆拒敵鏖力戰至脯
始定論功第一進爵世侯仍典三千營贈軌百戶世
襲鍾麓猛善戰然數犯事初賄太監金英得遷都督
事覺論斬景帝特宥之至是受將士賄索千金坐解
營務及府軍前衛事猶掌左府憲宗初中官牛玉得
罪鍾坐與玉爲婚停祿間住鍾尋陳情予半祿已復
自陳功狀乃給全祿如初成化七年卒贈涑國公諡
武敏子輔請嗣侯吏部言奪門功例不得傳世帝以
鍾捕反者命傳襲子至孫應爵正德中總督團營四
傳至曾孫世忠萬曆中鎮守湖廣總督漕運凡二十

年又三傳至孫維藩流賊陷京師被殺

董興長垣人初爲燕山右衛指揮使累遷署指揮同知正統中新建伯李玉等舉興將才進署都指揮使京營管操復用薦擢署都督僉事充右叅將從寧陽侯陳懋討鄧茂七破其餘黨於建寧進都督同知廣東賊黃蕭養者南海人眇一目有智數與同輩爲盜繫都司獄踰年所卧竹床忽青漸生葉其黨以爲瑞皆賀蕭養因相煽誘謀不軌使人潛納利斧飯中同繫百七十人悉破械出劫庫收兵仗嘯聚海濱旬月至萬餘人攻圍廣州官軍出擊輒敗安鄉伯張安都

指揮王清皆死賊勢愈熾衆至十餘萬遂僭稱順天
王建元署百官僞尊其父大綱爲太王立其子貳仔
爲太子詔拜興左副總兵調江西兩廣軍往討而以
侍郎孟鑑贊理軍務興用天文生馬軾自隨至江西
夜半聞鷄鳴興問是何祥也軾曰鷄鳴不以時由賞
罰不信也願公嚴軍令無擾興累銳而不能戢下故
以是戒之至清遠峽有白魚躍入舟軾喜曰此賊授
首徵也景泰元年二月抵廣州賊舟千餘艘勢甚張
而我徵兵猶未至諸將請更濟師軾曰兵貴神速濟
師則緩廣民延頸久矣頗徵狼兵驍悍往擊猶拉朽

耳與從之相持未戰有暹墜河南岸執占之曰必破
賊既而兵大集進至大洲頭擊賊大破之殺溺死者
萬餘人餘多就撫蕭養中流矢死函首以獻進克三
山及大良夷北水諸堡發其墳墓餘黨悉平俘偽太
王太綱偽太子戴仔國公曾賢等百三十餘人皆伏
誅論功進右都督留鎮廣東三年以寬縱爲給事中
黃士儒所劾降爲事官立功明年復職久之召還分
督京營與中官曹吉祥結爲姻冒奪門功封海寧伯
未幾充總兵官鎮遼東予世券已而例革奪門者爵
與以守邊得免吉祥反誅乃奪與爵仍右都督發廣

西立功未幾以錦衣指揮呂貴薦召還復爵總兵宣
府再予世券憲宗嗣位罷還傳世襲家居十餘年卒
曹義字敬方儀真人襲父職爲燕山左衛指揮僉事
累功至都督僉事充遼東副總兵正統三年冬代巫
凱爲總兵官凱名將在鎮十餘年境內寧謐義承後
廉介有守號令嚴明遼人安之而部下有不悅者奏
義酷害軍士已又舉其違法事朝廷知義無大過令
自陳省之七年兀良哈犯廣寧前屯殺掠百八十人
被詔切責命都御史王翱往飭軍務詰義死罪狀頃
之義等獲犯邊亭台等獻於朝適三衛部長俱來貢

詔戮字台等於市令聚觀之以爲戒自是義教與兀良哈戰九年春會成國公朱勇軍夾擊斬獲多進都督同知十二年春出廣寧塞巡徼見兀良哈賊匿林莽中國而擊之俘斬百餘人進右都督十四年追賊開原塞外既又出廣寧遇賊接戰旋師廣平山迴擊賊踵後者皆敗之禽百餘人以還進左都督義部將施聚其先沙漠人居順天通州父忠起燕山衛卒積功爲金吾右衛指揮使從成祖北征至飲馬河陣沒聚嗣職從北征至得勝口禽可可帖木兒宣德中備禦遼東累擢都指揮同知以義薦進都指揮使守備

義州義與兀良哈戰聚皆從以功累官右都督景帝
立充右副總兵仍守義州也先逼京師詔聚與左副
總兵焦禮入衛聚聞命慟哭即日引兵西部下進牛
酒聚却之曰天子安在吾何心饗此比至寇已退乃
還而義守遼可汗脫脫不花別以三萬騎入義不能
禦遂深入攻毀屯堡八十餘掠官吏軍民萬三千人
馬牛羊倍之兵部尚書于謙等請治罪景帝以時方
多故不深責但奪半歲俸已而賊復入掠義敗之連
洲還所掠人口千七百有奇時賊勢盛義等竭力捍
禦所獲十餘級而已英宗復辟召還義守遼垂二十

年無大功聚以勇敢稱官至左都督然爲義裨帥未
嘗特獎值英宗推恩特封義豐瀾伯聚懷柔伯皆予
世券天下以爲濫義居四年卒贈侯諡莊武繼室李
氏殉詔旌之孫振嗣坐居喪納妓爲妾下詔獄革冠
帶習禮國學踰年復之成化中坐與泰寧侯陳桓等
募修武伯沈煜家雜僧妓飲酒俱下獄停祿一年卒
子體嗣弘治中總兵貴州賊頗米魯叛被劾罷還久
之卒傳子棟及松松嘗協守南京改鎮兩廣聚後義
三年而卒贈侯諡威靖再傳至孫鑑成化中坐納賂
賊死奪爵謫貴州立功遇赦復爵卒子瓚嗣正德初

總兵黃州卒弟瑾嗣義三傳至棟聚四傳至瑾皆在
嘉靖之時吏部皆言不當復襲世宗不許傳爵至國
亡乃絕

衛顥字源正都督青子也正統初襲父職濟南衛指
揮使久之統班軍番上較騎射優等擢署都指揮僉
事去來變作奉詔率師入衛予實授頃之進都指揮
同知以石亨薦擢署都督僉事管五軍右哨論黃花
鎮徇羊口及西直門禦寇功累進都督同知壯事後
府景泰二年與都督范廣陶瑾郭瑛張義狎妓勒都
指揮穆晟置酒爲校尉所緝被劾得宥于謙爭之謂

國無素車亟臣守枕戈嘗胆之時顏等謬以凡材被
重寄苟敢縱欲敗度日事酣飲上辜朝恩下失士望
也謫竊極邊贖罪不聽明年充京營右副總兵領右
哨如故尋命協鎮宣府備也先踰年召還天順元年
以奪門功進左都督既而石亨復爲言遂封宣城伯
予世券尋充總兵官鎮甘肅明年五月李來擁衆大
入顏不能禦遂肆掠涼州永昌莊浪山丹甘州之境
公私畜產俱盡自蘭縣抵甘州道路梗塞時安遠侯
柳濤等四大將禦寇皆無功寇退巡撫芮剗列上顏
等罪因自劾帝並黃之顏之冒奪門功也第顏亦授

千戶而顏實不至京師後顏犯他罪捕之顏逃匿及
顏出鎮以自隨顏又冒賄無厭已而事盡露廷臣并
劾顏詔勿問亨敗顏當革爵以守邊故得不奪六年
冬亨來復入甘州莊浪西寧涼州官軍被殺掠者九
百人失亡馬牛羊五萬有奇到復奏劾顏尋與中官
蒙泰誣行遣都御史王竑罪遣使廉問多妄帝皆不
問八年西番馬吉思冬沙諸族爲亂顏討之斬獲百
四十餘人時憲宗已即位廷議以顏不勝任乃召還
奪盡革奪門世爵顏自慙枉當功世券如故成化二
年爲遼東總兵官尋引疾罷給事中陳鉞等劾顏臨

大敵托病避難乃下獄奪祿閒住居三年遇赦詔傳
傳者復給顧遷入朝謝帝曰顧坐罪罷閒安得妄引
詔例顧惶恐請罪帝宥之仍給祿弘治中卒贈侯誥
杜勇傳子至孫鐸嘉靖時督神機營二十八年累加
陞太保兼太子太師四傳至元孫時春崇禎時掌後
府京師陷時春懷鐵券闔門十七人皆赴井死
趙輔字良佐鳳陽人襲父職爲濟寧右衛指揮使景
帝嗣位求將才尚書王直等薦輔命京營總兵官石
亨試之言輔嫻騎射有智謀乃擢署都指揮僉事分
典京營訓練久之進署都督僉事充左叅將守懷來

天順初徵入右府。故事，成化元年以中府都督同知
拜征彞將軍，與僉都御史韓雍率師討兩廣蠻寇，克
太藤峽夷，其巢分兵擊破餘黨，先後俘斬萬餘。輔還
方抵國門，而賊又入潯州。於是言官交劾，帝不聽。封
輔武靖伯，已廣西巡按御史端宏謂賊流毒方甚，而
輔妄言賊盡，冒封爵，不罪。輔無以示戒。輔乃自陳戰
績，而委其罪於守將歐信。帝皆勿問。三年，總兵征迤
東，與都御史李秉從撫順關，深入連戰破之，論功進
侯。八年，廷議大舉搜河套，拜輔將軍，陝西延綏寧夏
三鎮兵皆聽節制。輔至榆林，賊已深入環慶固原安

定澮寧驛剽掠留連三月始去輔不能制與王越疏
請罷兵於是言者交論輔越罪而廷綏寧夏警報又
至帝遣給事中郭鐘往勘無何輔稱病鐘亦奏輔
廢疾乃命寧番伯劉聚代輔及鐘還言賊於六月深
入平涼鞏昌臨洮被剽掠者四千餘戶殺掠人畜三
十六萬四千有奇迨七月而縱橫慶陽境內輔越已
至榆林逡巡不進致部將遇敵輒藉口無將令徒擁
重兵虛糜餽餉宜治輔越弛兵玩寇罪帝不納輔還
猶督京營由是言者攻益力詔姑置之十年輔辭侯
屯世伯帝許其世伯侯如故僅減祿二百石言官力

爭不餉久之輔復上疏自暴其功言減祿無以贍老
又云陛下涖祚首命內官盧永征南蠻繼命黃順汪
直誅東北寇皆莫太功烈宜付史館於是兵部尚書
余子俊等言朝廷待輔甚厚每錄功而掩過今希求
無厭宜置於法言官皆請治輔帝卒不問十二年解
營務家居十年卒贈容國公諡恭肅輔少俊辯有才
善詞翰喜交文士遂用起名亦好結權倖故屢遭排
擊卒無患晚既病廢猶希旨獻方書爲世所謂子承
慶嗣伯協守南京正德初坐傳寫諫官劉蕡疏爲劉
瑾所惡削祿閒住四傳至元孫光遠萬曆中鎮湖

廣迫明古絕

劉聚精靈合太監永誠從子也嘗從永誠出塞以功
得錦衣千戶遷金吾指揮同知以奪門功進都指揮
僉事復超擢都督同知與討曹欽進右都督憲宗立
坐交結門達謫廣東立功尋以永誠年老許歸侍養
咸化六年以右副總從永赴廷綏聚追賊黃草梁
遇伏鏖戰傷類兵猶不解麾下力捍之方免頃之復
犯青草溝聚與都督范瑾等分道擊敗之永等追寇
叶家砦聚亦據南山力攻寇大敗追之出境論功進
左都督聚意未滿連章陳懇輒賜兵科所駁竟以有

內援特封寧晉伯八年冬代趙輔爲將軍總陝西諸
鎮兵明年正月寇入花馬池率副總兵孫鉞遊擊將
軍王璽等擊却還至高家堡寇復至敗之追奔至漫
矢嶺伏起夾擊又敗之鉞璽別破賊於井油山先後
獲首功二百餘奪馬四百餘匹牛羊襍畜二萬提關
予世券其冬索羅忽滿都魯亂加思蘭連兵深入至
秦州安定會寧諸州縣縱橫數千里殺掠三千餘人
失亡畜產十六萬賊退適王越自紅鹽池還安以大
捷聞降璽書嘉勞頃之紀功兵部員外郎張謹奏言
賊方深入總兵范瑾等六將俱按兵觀望及僉事左

叙等自萌城來遇寇被圍種等不得已往救惟參將
岳嵩都督周賢舉稍有斬獲寇見兵舍多棄所掠而
去其參將陳不能走官軍遂殺之以爲功三岔之戰
我軍傷多不獲一級及聚等至寇已出境乃縱其下
搜中亦有被殺掠者臣驗所獻俘馘多不似番人類
皆兒童婦女行道相傳皆爲流涕聚及巡撫馬文升
既冒以爲功而廷寧二撫臣余子俊徐廷章附和
不舉潛不能無罪於是部科及諸御史交章劾聚等詔
遣給事中韓文勣之文還奏如謹言所報首功百五
年真者十九級而已帝以寇既遁置不問兵科郭鐘

等獲批章請不聽聚尋卒贈侯諭威勇傳序祿福
福弘治中掌三千營加太子太保卒子岳嗣卒從子
榮請嗣東鄉高聚無次功子孫不宜再襲世宗不允
命改嗣明亡乃絕

李震南陽人父謙都督僉事震襲指揮使正統九年
從祖尤良哈有功遷都指揮僉事已從王驥平麓川
遷嗣知景帝即位充貴州右叅將擊苗賊於偏橋敗
之景泰二年從王來征韋同烈攻破鎖兒流源諸砦
傳斬千六百入遂共克香爐山獲同烈進都指揮使
時靖州五年罷叅將以都指揮分守尋坐罪徵還南

和伯防瑛討苗賊奏乞震隨軍詔許立功贖已從瑛
大破民黨諸苗命仍充左叅將瑛之平銅鼓諸賊也
震亦進兵武岡克牛欄等五十四砦斬獲多進都督
兼寧天順二年獲從瑛討平牛把豬瑛卒即以震充
總兵宿戍鎮貴州湖廣初麻城人李添保以通賊逃
遁神鵠稱唐太宗後嫡留衆集兵鷲餘僧主改元武
烈以敵賊魁蒙能子爲帥剽掠聲甚盛震進擊大破
賊添保遁入貴州鬼池諸苗中復誘群苗出掠震發
兵擊擒之送京師伏誅尋進破西堡苗賊五年春勦
賊叢狼獲攻橫水城溪莫宜中坪諸砦皆破之長驅

至廣西西延會總兵官過興軍攻克十八團諸獠
前後俘斬數千人其冬命震專鎮湖廣以李安充副
總兵守貴州明年夏率師由錦田江華抵雲川桂嶺
橫江諸砦擊破獠賊俘斬二千八百餘人七年冬
賊據赤谿浦洞長官司震與安分道進討擒斬賊渠
颺天猴等破砦二百遂復長官司進都督同知明年
冬廣西獠賊流劫湖南夜入桂陽州大掠而去震聞
遣兵追擊連敗之俘斬千六百餘人成化元年廷議
以貴州黎平諸府密迤湖廣五開諸衛非一大將總
領不可乃復命震鎮貴州未幾獲賊首苗虫蝦是時

荆襄賊劉平若和尚爲亂震進討賊屢敗乘勝追
蹙及于梅溪賊漢官軍不利都指揮以下死者三十
八人有詔切責會白圭等大軍至震自南漳進兵合
擊大破之賊遂平進右都督時武岡沅州靖州銅鼓
五關苗賊蜂起而貴州亦告警震言貴州終難遙制
請專鎮湖廣許之乃還兵由銅鼓天柱分四道進連
戰破賊直抵清水江因苗爲導深入賊境兩月間破
巢八百焚廬舍萬三千斬獲二千三百而廣西徭流
叔桂陽者亦擊斬三千八百有奇當是時震威名著
西南苗獠聞風畏懼呼爲金牌李七年與項忠討平

李黼子招撫流民九十萬人荆襄遂定語具忠傳
一年苗賊復犯武岡靖州湖湘大擾明年春震與巡
撫劉敷等分五道進破六百二十餘砦俘斬八千五
百餘人獲賊孥萬計論功封興寧伯叅將吳經與震
有卻弟千戶綬爲汪直腹心經屬綬譖之會直方傾
項忠詞連震遂逮下獄奪爵降左都督南京聞住未
幾直遣校尉緝事言震陰結守備太監覃包私通貨
賂帝怒遣直赴南京數包等罪責降包孝陵司香勅
震回京直敗震訴復爵尋卒震在湖湘久熟知苗情
善用兵一時征苗功方璚後震爲寂然貪功好進事

交結竟以是敗

趙勝字克功遷安人襲職爲永平衛指揮使正統末
禦寇西直門進都指揮僉事天順初預奪門功超遷
都督僉事以擊叛者曹欽進同知李來犯甘肅勝與
李果左右忝將從侍郎白圭西征至固原遇寇擊
却之憲宗立興鼓勇營訓練成化改元山西告警拜
將軍率師往援次雁門寇已退乃還明年復出延綏
禦寇會方納款遂旋師尋興耀武營四年充總兵官
鎮遼東時毛憐海西諸部數入犯勝招撫之遂復入
貢七年召典五軍營己改三千營十年亂加思蘭犯

宣府詔勝爲將軍統京兵萬人禦之以中官劉恒舉
平監其軍亦以寇遁召還久之進左都督尋加太子
太保十九年封昌寧伯勝體貌修偉初爲都督與李
果並有時名後屢督大師皆未見敵無功可錄至是
以黃緣近倖得封物論駭之二十二年加太保兼太
子太傅明年營萬貴妃塋行崖石間墜馬卒贈侯諡
莊敏弘治初孫鑑乞襲爵吏部言勝無功不當傳世
乃授錦衣衛指揮使

論曰正統景泰間四方多故一時疆場武臣自楊洪
石亨郭登而外如方瑛李震盪定苗蠻孫鏜戰城下

董興靖海南俱有足多者若趙輔怯於西征陳友劉
聚首功多詐並見譏當世而顏勝義聚勲畧罕聞皆
膺茅土之錫惟名與器不太棄乎君子以爲非馭貴
之道矣

明史卷二百十九

列傳七十

劉球董璫

尚褫

陳鑑何觀

鍾同孟紀楊集

章綸子元應廖莊

倪敬

盛景

杜宥

黃讓

羅俊

汪清

楊瑄子源

盛顯

周斌等

劉球字求樂安福人永樂十九年進士家居讀書
年從學者甚衆授禮部主事胡濙薦侍經筵與修
宗寶錄改翰林侍講從弟玘知莆田遺要布一疋球
封還貽書戒之正統六年王振欲立威遠垂用兵部
尚書王驥征麓川球抗疏曰帝主之馭四裔必審其

小而防其大所以適緩急之宜爲天下治安計也故
周伐崇不克即退修德教以待其降至於獫狁則命
南仲城朔方以備之漢征南越不利即罷兵賜書通
好至於匈奴雖已和親猶募民徙居塞下入粟實邊
復命魏尚守雲中以拒之以周漢之力滅崇破越易
如振槁皆釋不誅惟汲汲獫狁匈奴之備何也益不
窮兵於小敵惟防患於大寇所以全生民安邦國也
今麓川殘寇思任發素本羈屬以邊將失馭致動大
兵雖渠魁未殲亦多戮群醜陛下念此窮荒僻在炎
徼爲誅爲舍無繫重輕乃降璽書原其罪繫使得自

新甚盛德也豈邊將不能宣達聖意復議大舉欲屯
十二萬衆於雲南以趣其降不降則攻之而不慮王
師不可輕出蠻性不可驟馴地險不可用衆客兵不
可久淹是皆兵法所忌也况南方水旱相仍軍民交
困若復動衆紛擾爲憂臣竊謂宜緩天誅如周漢之
於崇越也至於瓦剌終爲邊患及其未即騷動正宜
以時豫防迺欲移甘肅守將以事南征恐沿邊將士
意謂朝廷必以此寇爲不足慮遂生怠心弛解邊防
卒然有警何以爲禦臣竊以爲宜慎防遏如周漢之
於獯豸匈奴也伏望陛下罷大舉之議推選智謀將

帥輔以才識大臣量調官軍分屯金齒諸要害如趙
充國屯田湟中故事且耕且練廣儲蓄習水土固結
木邦諸蠻以爲援乘間進攻因便撫諭明加賞罰用
責成功將不煩大兵而寇自可服至於西北障塞當
勅邊臣巡視濬築溝垣增繕城堡勤訓練嚴守望以
防不虞有備無患之道也章下兵部謂南征已有成
命不用球言八年四月雷震奉天殿球應詔上言臣
伏按春秋知君心之與天心相爲感應如響應聲故
災異之來皆天心仁愛人君而欲止其亂也陛下因
天變素服輟朝下詔罪己所以惕懼修省甚厚臣竊

如禹舜湯所當先者有十事焉古之聖王動與天合
兩陽寒燠周不時若性能懋勤典學不作無益故心
平而天不違之臣願陛下勤御經筵少居宮苑數進
儒臣講求至道使問學日新理欲判決則君心正而
天心順矣失政由已出則權不下移太祖太宗日視
三朝時召大臣於便殿裁決庶政故權總於上陛下
誠宜循二聖之成規收獨持之操柄使政本歸一古
之擇大臣者既博謀廣詢又必察其果賢然後用之
及其有犯不欲直指其罪雖至大戮使自裁而已終
不加刑也今者進用大臣未嘗出公論也及有罪失

輒桎梏而箠楚之若奴隸然曾未踰時又還其職甚
非所以敬大臣也臣願自今任用大臣務極天下之
選小有過犯姑置勿言果不可容然後下法司定罪
使自爲計勿輒繫辱庶幾與共天職之意爲不乖也
今之太常即古之秩宗非清慎習禮者爲之則不可
交於神明今太常卿貳皆缺久無儒雅之臣考禮正
儀祀享寧無不恪宜選儒臣領其職庶可明禮樂而
享鬼神古者省方巡狩所以考政問俗洪武永樂間
亦嘗遣使巡行郡縣此典久廢故吏多貪虐民不聊
生而軍衛爲尤甚宜擇公廉幹敏之臣分行天下無

論文武皆得考黜詢軍民利病而興革之吏治修而
民安矣古者人君不親刑獄必付理官蓋恐徇喜
怒而有所偏也通法司上獄多有奉勅增減輕重法
司既不能執奏及訊他囚又觀望以爲出入民之多
寃職此之由臣以爲法司專典刑獄當使各舉其職
或希指枉徇則加之罪至運磚輸米諸例均非古法
其寃使貪者倖免廉者蒙辜宜著令自今臣下非犯
公罪不得聽贖則刑罰無不中矣春秋營築悉書戒
勞民也今京師興作五六年矣雖曰不煩民而役軍
顧軍獨非赤子乎既需之禦暴又責之力役其何堪

也此者四方災荒乞減租稅多不見許即奉詔賑卹
亦鮮實惠轉徙失業實可傷痛謂宜量除田賦撫輯
流移兵凶戰危天道所厭麓川連年用兵死者十七
八今瘡痍未復又遣蔣貴遠征緬甸責獻思任發夫
思任發逋逃之寇耳果禽以歸何補國家之治而緬
甸將挾以爲功必求與木邦分麓川之地不與則致
怒與之則兩蠻坐大是滅一麓川生二麓川也設有
蹉跌兵爭無已死者必多臣見陛下每錄重囚多賜
原宥今乃驅十餘萬無罪之人爭一逋竄之寇而又
啓他日兵戎之漸臣竊以爲舛也易曰君子思患而

豫防之令迄北壤使日增包藏禍心爲患難測請分
遣給事御史閱視京邊官軍及時訓練勿使借工各
廠服役私家公武舉選以求良將定名募法以招武
勇廣屯田收中鹽以厚儲蓄則武備不缺而外患無
虞此皆今日急務所可感格上天召致太平者也疏
入下廷議言球所奏惟擇太常官宜從於是修撰董
麟遂乞改官太常奉享祀事初球言麓川事振固已
銜之欽天監正彭德清者球鄉人也素爲振腹心凡
天文有變皆匿不奏倚振勢爲姦公卿多趨謁球絕
耳與通德清恨之遂摘疏中攬權語謂振曰此指公

耳振益大怒會璘疏上振遂指球同謀並逮下詔獄
屬指揮馬順殺球深夜順携一小校持刀至球所球
方卧起立大呼太祖太宗在天汝何人得擅殺我頭
斷體猶植遂支解瘞之獄户下璘從旁竊血裾遺球
家後其子鉞求球屍僅得一臂乃裹裾以殮順有瘡
病久忽起捽順髮拳且蹴之曰老賊令爾異日禍逾
我我劉球也順驚悸俄而子死小校亦死球之死也
餘姚布衣成器登龍泉山爲文哭而祭罵名其地曰
祭忠臺土木之難振被殺朝士立擊順斃之而德靖
猶世未遣還下獄論斬尋瘞死詔戮其屍景帝憐球

忠贈翰林學士諡忠愍復從教授趙永言請祀之
安忠節祠球二子長鉞次鈺皆篤學痛父冤遂絕意
仕進躬耕養母球既得卹兄弟乃出應舉先後成進
士鉞廣東叅政鈺雲南按察使璘字德文高郵人永
樂十六年會試第一授編修母老乞歸母病思食鱖
魚非其時矣璘禱於神舉網得二尾以奉母母病尋
愈璘以是事神甚謹已起轉修撰獄解遂歸不復出
尚璘字景福羅山人正統四年進士除行人嘗上書
請毋囚繫大臣時稱其識體擢南院御史十二年南
涼副都御史周鈐忠肆爲奸利且以私憾撻御史諸

御史苑霖楊永胡鑑不平偕同官辛浩潘英及穢等
十人共劾之南京給事中劉煒盧祥等亦劾銓如御
史言遂逮銓下詔獄而銓亦訐奏諸御史詔並逮之
諸御史復發銓盜嫂諸事未及竟而銓病死指揮馬
順索庇銓因言霖永鑑惡銓約束故誘諸御史脅給
事中誣銓請付刑部治罪尚書金濂等遂坐霖永罪
絞出半產贍銓家餘贖還職帝輕之詔鑑浩英遣戍
橈及他御史皆謫驛丞明年慮囚霖永始得減死時
銓實有罪諸御史發憤擊之南都吏民舉稱快顧反
得重禍臺署爲空由王振素惡言官故也橈既謫雲

南唐仁驛氣終不懾景泰五年冬因災異上書陳數
事略言聖學之勤非徒開筵進講爲觀聽之美而已
聖亂興亡之道天人感應之理務得於心而見於行
然後可以爲學至於忠直之士冒死陳言而執政者
徃徃格以條例輕則報罷重則中傷是言路雖開猶
未開也諸王奉藩於外者支庶日衆既苦有司拘持
復患歲祿不贍其未能安然自適如陛下子孫在宮
壺之內也近來釋教盛行誘煽輦俗風俗爲之頽壞
此由掌邦禮者屈於王振之勢歲歲度僧衿至於此
宜盡勒歸俗還爲農民師保之官古不必備今則充

滿朝守名器漸輕凡此皆望陛下有以審處章下禮部尚書胡濙惡其刺己悉格不行尋量移豐城知縣致尚濙爲邑豪誣搆繫獄處士吳與弼知其賢投詩救之乃得釋成化初以太臣會薦擢湖廣僉事初有詔荆襄流民許所在附籍既而都御史項忠復遣還鄉令下督催嚴急多致道死褫憫之欲緩其事陳鏊巡撫吳琛言欲遵前詔恐附籍者多後難爲計欲奉都御史令恐散無所歸患且不測請進止琛惡其慢全以報忠忠怒遂劾褫然褫意在恤民雖中朝亦知之卒申令流民聽附籍不願乃遣還鄉由是居者得

免遷徙褫之力也爲僉事十年所司上其治行賜誥
旌異致仕卒

陳鑑字貞明高安人宣德二年進士授行人正統中
擢御史鑑律身嚴苦厲風節出按順天諸府疏奏習
俗積弊大略言今風俗澆漓京師爲甚寇攘竊發畿
甸爲多此愚者以爲不急而知者所深慮也請申明
舊典恭以古禮使簡而易知畏而不犯庶風俗還淳
魁盜不作章下禮部謂已有禁令格不行改按貴州
麓川賊思機發自大軍再征已窮竄屢上書哀訴乞
宥罪通貢而王振不許復大舉遠征時雲南貴州軍

民疲敝苗寇乘機煽動閩浙間盜賊亦發舉朝皆知其不可畏振莫敢爭鑑抗章言今賊酋遠遁假日視息不爲邊患宜崇責雲南守臣相機勦滅無事遠勞禁旅萬里長征振大怒欲困之改鑑雲南叅議使赴騰衝招賊而怒猶未已撫鑑爲巡按時嘗請四川播州安撫司改隸貴州以爲鑑罪令兵部劾之逮下吏法司坐鑑變亂舊章論死繫獄明年景帝嗣統乃得赦尋授河南叅議致仕歸卒先是侍講劉球以言事慘死中外莫敢言鑑一論奏竟以得禍由是益以言爲諱至景帝時言路始開廷臣爭發憤上書而其時

以高得罪者自何觀始觀以善書爲中書舍人景泰
二年奏劾尚書王直輩正統中皆阿附權奸今不宜
在左右又言瓦剌使臣來貢徒費犒賚不若安置南
方絕往來之擾時中費用事者見疏中權奸語以爲
侵已激帝怒欲罪之下科道叅議吏科毛玉生奏稿
力詆觀林聰請易之玉曰上怒甚奈何盛曰朝廷大開
固索視皆請易之玉曰上怒甚奈何盛曰朝廷大開
言路未嘗罪一言者今雖怒觀猶令我曹叅議甚盛
德也君不念劉球乎球死至今王振馬順人皆詈恨
之萬一雷霆之下致有不測是我曹爲之而使君父

蒙拒諫名也且諸君獨不爲身計耶王意猶解國剛
數語奏之會御史疏亦上中有觀考滿不遷私恨吏
部語益侍郎項文曜屬之也帝怒下觀詔獄杖之謫
九溪衛經歷

鍾同字世京吉安永豐人父復宣德八年進士歷翰
林院修撰與劉球善球上封事復預其謀妻勸止明
日球詣復即邀偕行復已他往妻從屏間詈曰汝自
止疏何累他人爲球出而嘆曰彼乃謀及婦人遂獨
上奏竟死居無何復亦病卒妻深悔之每號慟曰早
知爾曷若與劉公偕死同幼聞母言即感奮思成父

志嘗介吉安忠節祠見所祀歐陽修楊邦乂諸人嘆
曰死不入此非失也景泰二年舉進士明年授御史
遇事敢言懷獻太子既卒同與郎中章綸待漏語及
沂王皆泣下因與約疏請復儲已而京師有災異同
以諷禮部尚書胡濙濙愕然曰君欲取死耶而爲是
言同發憤乃上疏論時政因及復儲事其略曰近得
賊謀言也先使偵京師及臨清虛實期初秋大舉深
入直下河南臣聞之不勝寒心而廟堂大臣乃恬不
介意昔秦伐趙諸侯自若孔子順獨憂之人皆以爲
狂臣今者之言何以異此臣草茅時聞寺人構惡戕

戮直臣劉球遂致廷臣箝口假使當時犯顏有為必
能諫止上皇之行何至有蒙塵之禍陛下赫然中興
鋤奸黨旌忠直命六師禦敵於郊不戰而三軍之氣
百倍臣謂陛下方且鞭撻四裔坐致太平奈何遽氛
甫息瘡痍未復而侈心遽生失天下望伏願取鑒前
車厚自奮厲毋徇貨色毋甘嬉游親庶政以總威權
敦倫理以厚風俗辨邪正以專委任嚴賞罰以彰善
惡崇風憲以正紀綱去浮費罷冗員禁僧道之蠹民
輯賢將以訓士然後親率群臣謝過郊廟如成湯之
六事自責唐太宗之十漸必改庶幾天意可回國勢

可振又言父有天下固當傳之於子乃者太子薨遜
足知天命有在今建儲未建國本猶虛臣竊以爲上
皇之子即陛下之子沂王天資厚重足令宗社有託
伏望擴天地之量敦友于之仁蠲吉具儀建復儲位
實祖宗無疆之休又言昔嘗命將帥各陳方略經旬
踰時互相委責及石亨柳溥有言又不過庸人孺子
之計平時尚爾一旦有急將何策制之夫禦敵之方
莫先用賢陛下求賢若渴而大臣顧排抑之所舉者
率多親舊及富厚之家即長材屈抑孰肯爲言朝臣
歎謾若此此臣所以撫膺流涕爲今日妨賢病國者

醜也疏入帝不憚下所司議寧陽侯陳懋免部尚書
王直等請帝納其言因引罪求罷帝慰留之而銜同
甚未發後數日章綸復儲疏繼上下詔獄考訊遂并
繫治同時五年五月也明年八月大理少卿廖莊以
諫儲事予杖左右言事由同倡同實罪魁帝乃封巨
挺就獄中杖之同竟死時年三十二同之上疏也策
馬出馬伏地不肯起同叱曰吾不畏死爾奚爲者馮
猶盤辟再四乃去同死馬長號數聲亦死英宗復位
亟嘆同忠臣贈大理左寺丞錄其子啓爲國子生啓
請父遺骸歸葬詔給舟車廩餼送之成化中同妻羅

氏自陳貧窶乞令次子越入國學帝即以爲通政知
事而給羅氏月廩尋賜同諡恭愍從祀忠節祠與球
聯位竟如同初志方同下獄後有禮部郎孟玘者上
疏繼言之帝獨不罪而進士楊集上書于謙曰奸人
黃琬獻議易儲不遇爲逃死計耳乃公等遽成之公
等國家柱石獨不思所以善後乎今同等又下獄矣
脫諸人死杖下而公等坐享崇高如清議何謙以書
示王文文曰書生不知忌諱要爲有膽當進一官處
之乃以集知安州玘閩人集常熟人也

章綸字大經樂清人正統四年進士授南京禮部主

事景泰初召爲儀制郎中綸見國家多故每陳機論
事嘗上太平十六策反覆萬餘言也先既議和請力
圖修攘以待其變中官興安用事最佞佛請帝建大
隆福寺四年三月寺成帝將臨幸綸言萬乘之重不
可臨異端之宮史官書之實累聖德時河東鹽運刺
官濟南楊浩除官未行亦上章諫帝即罷幸浩後累
官巡撫延綏右副都御史綸又因災異請下詔求致
變之由上示撤樂減膳之敬下推恤災救民之仁節
濫賞之費罷冗官之俸慎差遣之擾修義倉汰僧徒
語頗切至明年五月復陳修德弭災十四事曰謹天

戒任嬖理養聖躬節幸御崇儉約勤聽政悖孝弟慎
賞賚重名爵革巡撫擇重臣辨異端却貢獻汰冗官
其大者謂內官不可干外政佞臣不可假事權後宮
不可盛聲色凡陰盛之屬請悉禁罷而其言悖孝弟
謂孝弟者百行之本萬善之源願退朝之暇朝謁兩
宮皇太后修問安視膳之儀上皇君臨天下十有四
年是天下之父也陛下親受冊封是上皇之臣也上
皇遠在塞外下詔傳位是以天下讓也陛下與上皇
雖殊形體實同一人伏讀奉迎還宮之詔曰禮惟加
而無替義以卑而奉尊望陛下允蹈前言或朔望或

節旦率群臣朝見上皇於延和門以展友于之情寃
天下之至願也更望復汪后於中宮正天下之母儀
遷沂王於儲位定天下之大本如此則和氣充溢災
沴自弭疏入帝大怒時日已暝宮門閉乃傳旨自門
隙中出立執綸繫詔獄越二日鍾同亦下獄榜掠慘
酷通引主使及交通南宮狀瀕死卒無一語會大風
揚沙晝晦獄得稍緩令錮之明年杖廖莊闕下因封
杖就獄中杖綸同各百同竟死綸死復甦繫如故英
宗復位立釋之命內侍檢前疏不得內侍從旁誦數
語帝嗟嘆再三即擢禮部右侍郎綸既以大節爲帝

所重而性亢直不能諧俗石亨招公卿飲綸辭不往
采數與尚書楊善論事不合亨善共短綸乃調南京
禮部就改吏部憲宗即位有司以遺詔請大婚綸言
山陵尚新元朔未改百日從吉心寧自安陛下踐祚
之初當以孝治天下三綱五常實原於此乞俟來春
舉行議雖不從天下莫不服其言成化元年兩淮饑
饉救荒四事報可四年秋子元應以冒籍舉京闈南
京御史楊智等因劾綸詔侍郎葉盛等往勘之明年
綸與都御史高明考察庶官持論不協既劾罷九十
餘人乃上言郎中潘孟時等三人不當黜御史方進

等十六人不當留皆由諸部臣不從臣言而明又剛
愎凡年踰六十者不問賢愚悉從黜汰而其所屬御
史乃無一人明威福自恣不宜居憲職又言南京六
科給事中王讓等妄自矜抗不赴部考察宜按問因
薦郎中車寧等二十五人章并下盛等是時讓恣睢
乖戾凌轢大臣而御史孔儒清軍浙江用刑過酷綸
皆考居殿由是二人鼓煽同類連章劾綸綸亦屢疏
求罷帝不聽既而盛等劾上元應實冒籍帝宥綸而
綸所奏他事亦悉不問未幾轉南京禮部左侍郎溫
州知府范奎被論調官綸言溫州臣鄉郡奎大得民

解官之日士民三萬人哭泣攀轅留十八日乃得
去請還之以慰民望章下所司竟報寢綸性慙好直
言不爲當事者所喜以故爲侍郎二十年終不得遷
請老去久之卒居數年其妻張氏上其奏稿且乞恩
帝嘉嘆乃贈南京禮部尚書謚恭毅官其次子鴻臚
典簿元應後舉進士爲南京給事中偕同官極論陳
鉞罪忤旨停俸孝宗嗣位上治本五事官終廣東布
政使

廖莊字安止吉水人宣德五年進士八年改庶吉士
與知縣孔友諒等七人歷事太科英宗初授刑科給

事中謬誤敢言正統二年御史元亮請如詔書蠲逋軍侵沒糧餉不允按察使龔鏊亦請如詔書宥盜犯未獲者帝已賜允而法司寢不行莊以詔書當信上章爭之五年詔京官出修荒政兼徵民逋莊慮使者督趣困民請寬災歉州縣俟秋成帝多從其請先是倉場庫局陰陽醫學牌壩驛遞諸小吏布政司多自行勾訛亦有具奏提問者至是陝西布政使郭堅請定畫一例法司謂宜從布政使勾問莊言律載在外五品以上官有犯奏聞請旨六品以下聽巡按御史按察司官取問則倉場諸小吏但當從風憲官問而

不當從布政司問明矣。法司議不可許。帝納其言。凡
繇所駁正明律意識大體者此類也。賑荒陝西全活
甚衆。還奏寬恤九事。多議行。楊士奇家人犯法。偕同
官論列。或曰獨不爲楊公地乎。曰正所以重楊公也。
八年大理寺官皆下獄。命與御史張驥全署寺事。踰
月即以爲左寺丞。久之遷南京大理左少卿。南京刑
部侍郎齊韶者王振鄉人。由御史超遷。倚振勢氣凌
虐官。滋任歲餘。淹斃獄囚百二十人。有奸人陳珏與
所親賈福爭。集指揮職福訟於官。韶納珏賄欲奪福
官。與之爲莊。所駁移鞠於都察院。御史張春曹得趙

要索珙對簿韶怒不遣竟捶福至死守備中官劉寧
以聞韶被逮珙亦誣莊及春等受福賂俱徵下詔獄
時韶已失歡於振馬順因奏韶納賄及珙誣愬狀而
韶又強娶史氏女爲小妻乃嘗被選入宮受賚者又
僭買永嘉大長公主卧榻至是并發罪當死莊乃得
釋韶竟戮於都市景泰五年七月上疏曰上皇在南
宮臣未知陛下萬幾之暇曾時時朝見否臣曩在朝
睹上皇遣使冊封陛下每遇慶節必令群臣朝謁東
廡恩禮隆洽群臣皆感嘆謂上皇兄弟友愛如此今
陛下奉天下以事上皇願時時朝見南宮或講明家

法或商略治道歲時令節俾群臣朝見以慰上皇之
心如此則孝弟刑于國家恩義通於神明災可弭而
祥可召矣然國家所繫之重不特此也太子者天下
之本上皇之子陛下之猶子也宜令親儒臣習書策
以待皇嗣之生使天下臣民曉然知陛下有公天下
之心豈不美與蓋天下者太祖太宗之天下仁宗宣
宗繼體守成者此天下也上皇北征亦爲此天下也
今陛下撫而有之宜念祖宗創業之艱難思所以係
屬天下之心即弭災召祥之道莫過於此疏入不
報明年八月遣母憂赴京陛見帝忽憶前疏命廷杖

公十誦定菟驥承天順初召還時母喪未終復遭
喪特予祭葬命起復仍官南京天順五年擢禮部右
侍郎尋調刑部俱在南京成化初爲御史鄭安所劾
帝不聽既而莊進表詣京自辯且求罷帝慰諭之留
爲刑部左侍郎逾年卒贈尚書諡恭敏莊爲人好剛
使氣言辭憤激且喜面折人過人不能堪而實坦懷
無芥蒂然不屑細謹好存謝賓客爲歡狎既官法司
或勸稍屏往來遠嫌疑莊笑曰昔人有言臣門如市
臣心如冰吾無媿吾心而已卒之日無以爲歛衆哀
錢助其喪人始信莊廉靖其濶達益天性也

倪敬字汝敬無錫人祖峻永樂間爲兵科都給事中
舉正統十三年進士擢御史景泰初畿輔饑命敬
出視敬請蠲田租戶部不可敬再疏爭竟得請巡按
山西時有入粟補官之令敬奏罷之成將侵餉者悉
按治豪猾斂手再按福建時議將復銀冶敬未行即
抗疏論得寢既至奏言諸司器物悉取諸縣縣濫派
於民比其去悉鬻之代者至濫派如初大爲民累請
自今籍記於官不得私鬻且通行禁絕從之鎮守監
臣戴細保貪橫敬列其罪以聞帝召細保還命敬捕
治其黨吏民相慶代還留家四月爲都御史所劾命

連治尋復職六年七月敬以時多災異偕同官吳江
盛景江陰杜宥蕪湖黃讓安福羅俊固始汪清上言
近災侵頻作實由人事不修夫府庫之財皆取於民
不宜無故而予遊觀之事有妨於治不宜非時而行
曩以齋僧屢出帑金易米彼異端邪教非直能興禍
作福顧乃不耕而食不蠶而衣既無力役又除租賦
所以厚之如此不知櫛風沐雨之邊卒趨事急公之
貧民又何以濟之近聞造龍舟作燕室營繕日增嬉
遊不少非所以保養聖躬也章綸鍾同直言見忤遂
至幽錮踰年不釋非所以昭示聖德也願罷桑門之

供輟宴佚之娛止興作之役寬直臣之囚天下幸甚
帝自即位以來號能納諫至是漸衰得疏不懌下之
禮部部臣稱其忠愛帝報聞然意終不釋未幾詔都
御史蕭離禎考察其屬諭令去之於是御史罷黜者
十六人而敬等預焉皆謫焉典史敬得廣西宜山英
宗復辟詔皆授知縣乃以敬知祥符會安遠侯柳溥
先鎮廣西器敬及是西征請以自隨遂改督府都事
踰弁師還遷卒士類惜之景清並景泰二年進士甯
讓並五年進士俊則敬同年生也皆授御史景雋爽
質意氣嘗按廣東勅巡撫侍郎揭稽不職稽亦誣劾

杲紹華連聞獄成杲復官指謫知府敬之得止疏也
以草示杲時杲從父啓東以御醫出入禁中杲因備
知帝禁秘事爲點定疏草同署以上遂得罪謫古田
典史遷羅江知縣縣故無城德陽大盜趙鐸率衆來
寇杲設奇擊却之民爲立祠擢叙州知府亦有禦寇
功宥遷英德知縣時鄰境多寇宥創立縣城賊至死
守糧盡圍不解夜縋死士焚其營賊始驚潰移韶州
通判謝病歸讓知安岳遷中府都事錦衣門達諫恣
橫讓執而捷之達捃其罪坐戍廣西赦還復冠帶
囊無一錢惟課耕自給俊嘗巡按四川有廉聲仕終

南雄知府

楊瑄字廷獻豐城人景泰五年進士授御史劄直尚
氣節景帝不豫廷臣請建東宮帝不允瑄與同官錢
璉樊英憂形於色曰此當復請聞禮部將再具疏瑄
等喜與諸御史約曰若上固不可吾輩當免冠叩頭
以去就爭第舉朝若是上寧不動心議既定會奪門
事起乃已天順初印馬畿內至河間民遮訴曹吉祥
石亨奪其田瑄以聞并列二人怙寵專權狀帝語閣
臣李賢徐有貞曰真御史也遂遣官往劾而命吏部
職瑄名將擢用吉祥聞而大懼訴於帝請罪之不許

未幾亨西莊還適暮星見十三掌道御史張鵬盛稱
周斌費廣張寬王鑑趙文博彭烈張奎李人儀邵銅
鄭冕陶復及御史劉泰魏翰康驥將劾亨吉祥諸達
達事兵科都給事中王鉉聞之洩於亨亨乃先與吉
祥泣訴於帝謂鵬爲已誅內官張永從子結黨排陷
欲爲報讐明日鵬等疏入帝大怒遂收鵬及瑄御史
華殿悉召諸御史擲彈章俾自讀賦且讀且對神色
自若至冒功濫職帝詰之曰彼率將士迎駕朝廷論
勅行賞何冒濫斌曰此輩皆貪夫功當時迎駕止
數百人先祿賜酒饌名數具在今超遷至數千人非

得繼而何帝默然竟下璫鵬及諸御史於獄榜掠備
至且詰主使者趙等無所引乃坐都御史耿九疇罷
綺主謀亦下獄論璫鵬死餘遣成亨等復諸諸言官
帝諭吏部給事御史年踰三十者留之餘悉調外於
是尚書王翱列上給事中何玘等十三人御史吳禎
等二十三人詔以玘等爲州判官禎等爲知縣會大
風震雷拔木發屋湏臾雨雹走正陽門下馬牌於郊
外而序吉祥家大木俱折雹尤甚二人亦懼掌欽天
監禮部侍郎湯序本亨黨亦上言上天示警宜恤刑
獄於是帝感悟成璫鵬鐵嶺餘止疑知縣秦翰驥三

卒復職而紀禎等亦得無譴瑄鵬籍半適適承飛門
災肆赦放還或謂當詣亨吉祥謝二人卒不往復儲
成南丹憲宗即位並還故官瑄尋遷浙江副使杭州
衛指揮陳昂父子肆虐海寧奸民管荒等巧於告訐
有司莫敢問瑄悉捕罪之按行海道禁將校私縱成
卒立五日一操法定海及霸衛健跳二所故有捍海
塘至是俱圯爲修築之又築海鹽堤岸二千三百丈
人得奠居爲副使十餘年政績卓然進按察使察吏
斷獄嚴明不苛禁官署毋蠶桑奪民利西湖水舊可
溉諸縣田十六萬頃時蝗塞遏半瑄請浚之設防置

勝以利灌溉功未就遇疾及疾亟同官入視猶與論
浚湖事語不及私遂卒海鹽人祠祀之始與瑄同下
獄者盛顥字時望無錫人周斌字國用昌黎人皆景
泰二年進士王鑑太原人趙文博代州人彭烈峽江
人李人儀隆昌人邵銅閩縣人鄭冕樂平人皆進士
並釋褐授御史顥降東鹿知縣斌江陰鑑膚施文博
淳化烈江浦人儀襄陽銅博羅冕衡山並有善政東
鹿徭役苦不均顥爲立九則法上下稱便繼者莫能
易母憂去民留之不得伺其服除相率詣闕乞還顥
顥因再任東鹿益不用鞭扑訟者諭之輒叩頭聽受

不復辨隣邑訟不決亦皆赴訴片言折楚各心厭衆
郊外有隙地爭來築室居之遂成市因號清官店賦
有德於江陰民歌曰旱爲災周公禱甘霖來水爲惠
周公禱陰雲散天順七年斌先以薦擢開封知府而
顥等至憲宗嗣位所司始以治行聞帝曰諸臣直諫
爲權倖所排又善於其職其悉予耶於是擢顥邵武
知府鑑延安文博衛輝烈河南人儀荊州銅溫州冕
衡州顥復以任治劇調延平二府之民皆愛之巡按
御史上顥政績而陝湖廣守臣亦上鑑人儀居縣時
治行皆特賜封誥顥累遷陝西左布政使時三邊後

警歲復得饑顯著經畫餽餉無缺軍民悉安成化十
七年召爲刑部右侍郎遇重獄務求其生且爲僚友
勸居二年調南京未赴會山東旱饑盜起改左副都
御史徃巡撫甯至露禱於天大雨沾溉槁禾復蘇乃
舉救荒之政既賑餘粟尚百餘萬石又推行九則法
於諸府黜貪暴表忠良除苛政民心翕然歸之居三
年以老致仕弘治中卒斌歷廣東右布政使初去江
陰民立生祠及自開封遷去民亦涕泣追送焉鑑初
爲御史嘗於左順門面斥中官非禮中官怒甚會有
詔考察御史因屬都御史蕭維禎去之維禎不可而

止人皆重其風節文博終巡撫河南右副都御史
廣東左布政使瑄子源字本清爲諸生以通曉天文
授五官監候正德元年劉瑾等亂政上言自八月初
大角及心宿中星動搖不止大角天王之坐心宿中
星天王正位也宜安而靜今乃動搖其占曰人主不
安國有憂意者陛下輕舉逸游戈獵無度以致然也
又北斗第二第三第四星明減於常第二曰天璇法
星后妃之象后妃不得其寵則不明廣營宮室妄鑿
山林則不明第三曰天機令星不愛百姓驟興征徭
則不明第四曰天權伐星號令不審則不明伏希陛

下祇畏天戒安居深宮絕嬉戲禁遊畋罷騎射停工
作申嚴號令毋輕出入抑遠寵倖裁節賜予親元老
大臣自講習詩書以弭災變疏下禮部尚書張昇等
稱源忠愛報聞迨十月霖霧時作源言此衆邪之氣
陰曷於陽臣欺其君小人擅權下將叛土引譬甚切
雖怒矯首杖三十釋之又上言自正德二年來占得
妖星忒太微垣帝座前或東或西往來不一更乞收
攬政柄患患預防蓋專指瑾也瑾大怒召而叱之曰
若爾官亦擢爲忠臣源厲聲曰官大小異忠君之心
共也矯首又杖六十謫戍肅州行經河陽驛以劄率

其妻斬蘆衣送葬後楊氏父子以忠諫名天下焉
士論重而源小臣抗節尤人所難萬曆中廷臣索請
賜名熹宗即位賜諡忠懷

論曰當王振擅權大臣俛首言官結舌而劉球以斗
詞臣抗慨敷陳論事剴切竟乃身遭毒手屍填獄壑
何其酷也鍾章之倫誼存舊主楊璉父子指斥權奸
被誅瀕死而不悔非立志皎然不欺者歟夫景帝號
能受言而忠良蒙禍英宗雅稱旌直而臺諫投荒所
謂止輩受書顧如是其難耶是可爲太息者也